

MELELE ILO KADU

Emōj an Food and Drug Administration (FDA, Jikin Bōk Eddo kōn Mōñā im Wūno) koweppān ñan kajerbal ilo emergency in juon wā in bōbrae COVID-19, im enaaj itok ilo Washington state ilo Tijemba, 2020. Armej rej kōmman elōñ wā in bōbrae, im rej katak kake ippān toujin im toujin armej me raar mōñōñō in kajjioñ men ko bwe ren lale bwe re safe im emman aer jermal. Public Health - Seattle & King County ej jermal ippān Washington State Department of Health (Tibaatmen in Ajmour) kōn wāween aer naaj lelok wā in bōbrae ko.

- E ban kanoj lōñ wā ilo jinoin, im renaaj lelok mokta ñan jet armej me elaplok kauwōtata elaññe rej bōk nañimej eo, āinwōt armej ilo jikin taktō im ilo mōn old age im bar jet jikin ijo etto an armej pād ie.
- E ban wor wā in bōbrae COVID-19 ñan aolep mae 2021. Tokālik enaaj bwe wā ko ñan aolep armej me re kōnaan bōke.
- Ñe ewor elōñ wā, jikin taktō ko, jikin wūno ko (pharmacy ko), im clinic ijo armej rej kattōr tok ak etetal tok renaaj bōlen liłoki ñan armej.
- Medicare, Medicaid im enañin aolep insurance renaaj kōllā oñean wā in bōbrae COVID-19, im bar jet jikin renaaj kōllā ñe ewor armej im ejjelok aer insurance. Ñe elōñ wā in bōbrae, Public Health enaaj kōmman iien lelok ñan armej im ejjelok oñean.
- Elap an aorok bwe armej ren safe ñe rej bōk wā in bōbrae eo. Rej lukkuun teej ilo elōñ wāween aolep wā in bōbrae COVID-19, im rej etale im aikuj koweppāni mokta jān aer maroñ liłoki ñan armej. Renaj koweppāni wōt elaññe rej pass men ko an FDA eo bwe ren safe im emman.
- Kab renaaj lale wā ko ke emōj aer jino in liłoki bwe ren lale bwe ren safe. Juon wā in bōbrae COVID-19 ej juon men in jipañ elap. Bōtab wā in bōbrae wōt e ban kabōjrak nañimej in.
- Ālikin an wor juon wā in bōbrae, armej renaaj aikuj loor wōt kakien ko ñan kōjparok er make im ro jet, jekdoon elaññe emōj aer wā. Melelein rej aikuj kōnak mej, pād 6 ne (2 mita) ettołok jān armej, en jab lap aer pād ippān armej nabōj, ren jab kobałok ippān bwijen armej, en kutkut aer kwał peir, ren loor naan ko jān CDC eo ikijjien jambo, im ren loor kakien kōn quarantine ālikin aer pād iturin armej me ewor an COVID-19.

Iien Kōmmane

Ñe emōj an FDA eo koweppān jabdewōt wā in bōbrae COVID-19, enaaj wor jet wā ilo jemloken 2020 im elōñlokok ilo 2021. Ikijjien ñāāt eo enaaj wor wā ko, rej lale ewi joñan wā ko rej jilkintok ñan Washington State innām ñan King County.

Kōn an jab bwe wā in bōbrae COVID-19 ñan aolep armej, renaaj aikuj lale wōn enaaj bōke mokta

- Tokālik enaaj bwe wā ko ñan aolep armej me re kōnaan bōke. Bōtab, ilo jinoin e ban bwe wā eo ñan aolep. Ilo jinoin renaaj lelok wā in bōbrae eo ñan jet wōt armej, ro me e maroñ pidodolok aer bōk COVID-19, ak ro me re maroñ lukkuun jorrāan elaññe rej bōk COVID-19, āinwōt ro ilo jikin taktō, ro re bwijwolā ilo mōn old age, im ri jermal ro me e aorok jermal ko aer.
- Ro ri kapeel jān taktō im public health [National Academies of Science, Engineering, and Medicine and the Advisory Committee on Immunization Practices (ACIP, Ro Rej Katak Kōn Wā in Bōbrae ko)] renaaj kwałok lōmñak ko aer ñan CDC eo kōn wōn ro im rej liłok wā ko ñan er mokta.
- Washington State Department of Health enaaj lale lōmñak ko jān ri kapeel rein im CDC eo ilo aer kōmman juon karok im pepe ñan juon wāween ajej wā in bōbrae COVID-19 ilo state eo ad. Karok in enaaj jipañ kōj jelā wāween aer pepe wōn enaaj bōk wā eo mokta.

Jikin bōk wā in bōbrae eo

- Ñe ewor wā in bōbrae ñan aolep armej, armej re maroñ bōlen bōke ilo clinic im jikin wūno (pharmacy) ko.
- Barāinwōt re maroñ lelok ñan armej ilo jet jikin ilo jukjuk in pād ko ijo armej renaaj itok ilo wa ak etetal tok (āinwōt community center ko, jikuul ko, ak jikin jar).
- Aolep jikin ko me rej lelok wā eo renaaj kōjparok bwe armej ren safe jān COVID-19, āinwōt lale bwe armej ren ettołok jān doon, kōnak personal protective equipment (PPE, kein kōjparok armej jān jorrāan), im enaaj lap aer karreo.

Oñean wā in bōbrae eo

- Medicare, Medicaid im enañin aolep insurance renaaj kōllā oñean wā in bōbrae COVID-19, im bar jet jikin renaaj kōllā ñe ewor armej im ejjelok aer insurance. E maroñ wor oñean copay ak etal ñan jikin taktō elaññe insurance eo am ej ba ak elaññe kwōj bōk wā eo jān juon taktō me ej charge.
- Ñe elōñ wā in bōbrae, Public Health enaaj kōmman iien lelok ñan armej im ejjelok oñean.

Renaaj lale bwe wā in bōbrae ko rej safe im emman aer jermal kōn aer kōmman men kein:

• **Katak kake ippān armej**

Rej aikuj katak kake ippān armej ke taktō ro rej loloodjake ke elōñ tōujin armej rej bōk wā in bōbrae eo.

Food im Drug Administration eo (FDA) ej lale men ko rej katak jān iien teej im kajerbal mejele kein bwe ren lale joñan an safe im emman an jermal kajojjo wā in bōbrae.

FDA eo ej reiļok ñan katak im Jōmṅak ko jān juon kumi me rej scientist im ri kapeel, Vaccines and Related Biological Products Advisory Committee (VRBPAC, Kumi in Kwaļok Aer Lōmṅak kōn Wā in Bōbrae im Kein Jermal Ñan Ānbwin) Aolep armej re maroñ lale kweļok ko an VRBPAC.

Ēlaññe juon wā in bōbrae ej ļoor kakien ko an FDA eo kōn joñan an safe im emman an jermal, innām FDA eo e maroñ ba bwe armej re maroñ kajerbal wā eo ñe rej ļoor wāween aer kōmman license ilo U.S. kōn wā in bōbrae ak kōn aer kamālim aer kajerbale kōn an wor emergency.

Ālikin an FDA eo kwaļok an Jōmṅak, bar juon kumi an ro re kapeel kōn wā in bōbrae, US Advisory Committee on Immunization Practices (ACIP, Kumi in Kwaļok aer Lōmṅak kōn Wā in Bōbrae), enaaj lale ēlaññe emman an safe im jermal wā eo. Renaaj kwaļok aer Jōmṅak ñan CDC eo kōn ta eo taktō ro ren kōmmane im bwe armej ren jeļā kōn wā in bōbrae eo

• **Wāween Aer Jeļā Bwe Wā in Bōbrae ej Safe**

Ālikin aer kamālim juon wā in bōbrae bwe armej ren kajerbale, koba wā in bōbrae COVID, enaaj wor elōñ kein lale joñan an safe me rej kajerbale ñan lale ēlaññe ewor jorrāān ko me rej waļok.

Ēlaññe e waļok juon jorrāān me raar jaje kake moṅka, enaaj moṅkaj an ri kapeel ro jermal bwe ren lale ēlaññe ej juon men ren inepata kake ke jab. Ilo wāween in renaaj lale aolep iien joñan an safe men eo meñe emōj an jemļok katak ko me taktō ro raar kōmmani.

Ñan wā in bōbrae COVID-19, CDC im FDA rej kōmman elōñ wāween lale bwe wā ko ren safe ilo iien aer kajerbali im bwe ren kakōrmool bwe wā in bōbrae COVID-19 ren safe joñan wōt aer maroñ.

Ñan mejele ko reļapļok kōn an wā in bōbrae COVID safe:

Kajin Pālle: <https://www.cdc.gov/coronavirus/2019-ncov/vaccines/safety.html>

• **Ro ilo jikin taktō me ewor aer license im emōj katakin er re maroñ liļok wā in bōbrae ko.**

Ro wōt im emōj aer license im katak bwe ren leļok wā in bōbrae renaaj maroñ in liļok wā ko.

Ñe elōñiļok wā in bōbrae ñan aolep armej, enaaj lōñ kain ri jermal jān jikin taktō me renaaj liļok wā ko bwe en pidodoļok an armej bōke ēlaññe re kōnaan.

Armej rein re maroñ leļok wā ko ilo clinic im hospital ko kab jān jet wa ak ilo jikin ko ilo jukjuk in pād ko.

Kajitōk ko rekut kin wā eo an COVID-19

Ñan Mejele ko Reļapļok kōn Wā in Bōbrae COVID-19

- Washington State Department of Health Wā in Bōbrae COVID-19 webpage
- CDC Wā in Bōbrae COVID-19 website
- CDC 8 Men Kwōn Jeļā Kōn Wā in Bōbrae

Link/share our site at www.kingcounty.gov/covid/vaccine/marshallese